

**Evropski regionalni magistarski program Demokratija
i ljudska prava u Jugoistočnoj Evropi**
Voditelj programa: Prof. dr. Asim Mujkić

Evropske studije

Voditeljica programa: Prof. dr. Azra Hadžiahmetović

Nutricionizam

Voditeljica programa: Prof. dr. Arzija Pašalić

Jedinstveno zdravlje

Voditeljica programa: Prof. dr. Sabina Šerić-Haračić

Zaštita od prirodnih katastrofa (DL)

Voditeljica programa: Prof. dr. Emina Hadžić

Međunarodna i regionalna sigurnost (DL)

Voditelj programa: Prof. dr. Nedžad Korajlić

Pravo i digitalne tehnologije

Voditeljica programa: Prof. dr. Zinka Grbo

Zmaja od Bosne 8, UNSA Kampus, 71 000 Sarajevo

tel: +387 33 668 685

e-mail: cis@cis.unsa.ba

www.cis.unsa.ba

MASTER I SPECIJALISTIČKI PROGRAMI 2023-24

Centar za interdisciplinarne studije Univerziteta u Sarajevu (CIS) usmjeren je ka interdisciplinarnom obrazovanju nove generacije stručnjaka/inja iz Bosne i Hercegovine kao i iz zemalja regije jugoistočne Evrope. Kao takav, CIS okuplja više od stotinu uvažanih domaćih i stranih eksperata/tica iz različitih naučnih oblasti koji/e zajednički rade na projektima razvoja iz svih naučnih oblasti.

Sa ciljem obrazovanja stručnjaka i stručnjakinja u poljima koja su tražena na tržištu rada i od velike važnosti za razvoj naše zemlje, CIS trenutno provodi šest master i specijalističkih programa: Evropski regionalni magistarski program Demokratija i ljudska prava u Jugoistočnoj Evropi (ERMA), Evropske studije (ES), Nutricionizam, Jedinstveno zdravlje, Zaštita od prirodnih katastrofa i Međunarodna i regionalna sigurnost.



CIS Centar za interdisciplinarne studije
Univerziteta u Sarajevu
prof. dr. Zdravko Grebo



CIS Centar za interdisciplinarne studije
Univerziteta u Sarajevu
prof. dr. Zdravko Grebo

Više informacija na
cis.unsa.ba

MASTER I SPECIJALISTIČKI PROGRAMI 2023-24


Evropski regionalni MA Demokratija i ljudska prava u Jugoistočnoj Evropi

Evropski regionalni master Demokratija i ljudska prava u Jugoistočnoj Evropi zajednički organiziraju Univerzitet u Sarajevu i Univerzitet u Bolonji u suradnji sa 11 partnerskih Univerziteta iz regije i Evropske unije. To je jednogodišnji interdisciplinarni program koji se izvodi tokom dva semestra/ tri dijela. Kurikulum se sastoji od 6 predmeta, stažiranja širom Jugoistočne Evrope te izrade završnog rada na Univerzitetu u Bolonji. On je najznačajnija aktivnost Globalnog kampusa Jugoistočne Evrope, jednog od 7 programa Globalnog Kampusa za ljudska prava. Zahvaljujući finansijskoj podršci Evropske unije, godišnje oko 30+ mladih ljudi iz cijele jugoistočne Evrope i Zapadne Evrope ali i šire, stiče dvostruku diplomu ovog internacionalnog master studija, jednu od UNSA i drugu od UNIBO.



Pravo i digitalne tehnologije

Ovaj studijski program kombinira naučna polja pravnih, ekonomskih i tehničkih nauka. Namijenjen je diplomcima i profesionalcima iz različitih društvenih, tehničkih, biotehničkih i biomedicinskih oblasti, koji već posjeduju završen prvi ciklus studija sa najmanje 240 ECTS bodova. Nositelj studija je Univerzitet u Sarajevu, a u organizaciji CIS-a izvode ga nastavnici i saradnici sa Pravnog, Ekonomskog i Elektrotehničkog fakulteta Univerziteta u Sarajevu, te stručnjaci iz prakse partnerskih institucija i organizacija iz BiH i inostranstva. Polaznici će razviti duboko razumijevanje regulatornih okvira koji upravljaju digitalnim tehnologijama na nacionalnom i međunarodnom nivou, uključujući zakone, propise i politike. Također će biti osposobljeni za analizu pitanja koja proizlaze iz korištenja digitalnih tehnologija, poput privatnosti, sigurnosti, intelektualnog vlasništva i ljudskih prava.



Nutricionizam

Potreba za kvalitetnim, dobro školovanim i visokostručnim djelatnicima iz naučne oblasti ishrane / nutricionizma je velika. Specijalistički (1 godina) i master studij (2 godine) "Nutricionizam" je odgovor na potrebe društva za školovanjem stručnjaka u BiH u ovoj oblasti. Ovaj studij predvode nastavnici sa nekoliko fakulteta Univerziteta u Sarajevu iz različitih naučnih disciplina. Nakon odbrane završnog rada studenti stiču zvanje Akademski specijalista / Magistar nutricionizma. Nakon studija su osposobljeni za odgovorno planiranje, organizovanje, kontrolu i vođenje režima ishrane, alternativnih i specijalnih oblika ishrane, prehrambeno obrazovanje i savjetovanje, za posebne zadatke u prehrambenoj i farmaceutskoj industriji, obrazovnim ustanovama studentskim domovima, domovima za osobe treće životne dobi, hotelima, ljčilištima, fitness i spa centrima te istraživački rad u ovoj oblasti.



Jedinstveno zdravlje

Studijski program Jedinstveno zdravlje je interdisciplinarni jednogodišnji master razvijen u Saradnji sa Univerzitetima u Milanu, Barceloni, Portu i Ljubljani. Ovaj studij promovira savremene pristupe zaštite zdravlja te propagira EU standarde i politike u javnom zdravstvu i veterinarskom javnom zdravstvu u skladu sa težnjama naše države ka pridruživanju EU. Nakon jednogodišnjeg studija koncipiranog kroz 2 semestra, polaznici stiču akademsku titulu i zvanje "Magistar jedinstvenog zdravlja". Na studij se mogu upisati kandidati iz BiH i inostranstva sa minimum 240 ECTS studijskih bodova. Koncept jedinstvenog zdravlja podrazumijeva sistemsku integraciju relevantnih bio-medicinskih i drugih nauka te se izdvaja kao višestruko opravdano rješenje za izazove današnjice vezane za unapređenje zdravlja i dobrobiti svih živih bića.



Zaštita od prirodnih katastrofa (DL)

Master studij „Zaštita od prirodnih katastrofa“ je studijski program koji se organizuje u cilju obrazovanja stručnjaka za upravljanje rizicima i zaštitu od prirodnih katastrofa. Učestale pojave prirodnih katastrofa, koje su izvor permanentnog ugrožavanja društvene zajednice i životne sredine, predstavljaju jedan od najvažnijih svjetskih problema. Cilj ovog studijskog programa je povećanje stepena poznavanja uzroka nastanka prirodnih katastrofa, mehanizama djelovanja i načina zaštite od njih. Studij se organizuje kao studij na daljinu, što omogućava studentima fleksibilnost u organizaciji svog vremena i prilagođavanju studiranja drugim obavezama. Program traje jednu godinu i sastoji se od dva semestra nastave, te izrade i odbrane završnog rada. Program se sastoji od 5 obaveznih predmeta, tri izborna predmeta, 2 interdisciplinarnih radionice, te izrade i odbrane završnog rada.



Međunarodna i regionalna sigurnost (DL)

Studij je namijenjen kandidatima koji su završili četvorogodišnji studij i ostvarili ekvivalent od 240 ECTS kredita. Organizovan je kao studij na daljinu (distance learning) i izvoditi će se na BHS ili engleskom jeziku. Studij je prvenstveno namijenjen onim kandidatima koji imaju potrebu da razumiju koncepte međunarodne i regionalne sigurnosti, analiziraju tranzicijske procese i integraciju Zapadnog Balkana u euroatlantske strukture. Studij traje 2 semestra, a program se sastoji od 4 obavezna i 2 izborna predmeta, te 4 radionice uz izradu i odbranu završnog rada. Diplomom izdaje Univerzitet u Sarajevu, a studenti stiču zvanje Magistra regionalne i međunarodne sigurnosti.



Evropske studije

Ovaj studij na inovativan i moderan način obrazuje kadrove koji će biti okosnica procesa integracija u jedinstveni evropski prostor. Cilj programa je da doprinese realizaciji spomenutog procesa i podigne svijest o njegovom značaju. Studij je koncipiran kao jednogodišnji i dvogodišnji, te je tako prilagođen za kandidate koji su tokom prvog ciklusa studija ostvarili 180 ECTS ili 240 ECTS. Namijenjen je diplomiranim studentima svih fakulteta, a s obzirom na to da je riječ o deficitarnom kadru za kojim postoji sve veća potreba, ovaj studij nudi mogućnost napretka u karijeri. Nakon odbrane rada, studenti dobivaju diplomu Univerziteta u Sarajevu i titulu Magistar evropskih studija.

